



Aningaasaqarnermut Naalakkersuisoq

Ulloq: 21. december 2018
J.nr.: 01.31.06/18-00823

Aningaasaqarnermut Akileraartarnermullu Ataatsimiititaliap marlunngornermi ulloq 18. december 2018-imi aalajangiussaa pillugu Naalakkersuisunut ilisimatitsissut.

Peqqinnissaqarfimmut aningaasaliissutinut ilassutitut aningaasaliissutinik qinnuteqaat: Napparsimasut nunani allani katsorsarneqartarnerat, timikkut nappaatit aamma Napparsimasut nunani allani katsorsarneqartarnerat, tarnikkut nappaatit - Suliaq nr. 01.31.06/18 – 00823.

”Naalakkersuisut inassutigaa,

kontumi pingaarnermi, 34.11.01 Napparsimasut nunani allani katsorsarneqartarnerat, timikkut nappaatit, aningaasaliissutit 10.000.000 kr.-nik ilaneqassasut,

kontumi pingaarnermi, 34.11.02 Napparsimasut nunani allani katsorsarneqartarnerat, tarnikkut nappaatit, aningaasaliissutit 7.300.000 kr.-nik ilaneqassasut,

kontumi pingaarnermi, 20.11.73 Inuussutissanik nammineq pilersornerulernissamut sillimmatit, aningaasaliissutit 40.000 kr.-nik ilanngarneqassasut,

kontumi pingaarnermi, 67.02.05 Majoriaq, aningaasaliissutit 8.760.000 kr.-nik ilanngarneqassasut,

kontumi pingaarnermi, 80.00.01 Nuussinissanut sillimmatit, aningaasaliissutit 8.500.000 kr.-nik ilanngarneqassasut.”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Ataatsimiititaliap ulloq 5. december ilassutitut aningaasaliissutissanut qinnuteqaat assingusumik ilusilernerqarsimasooq itigartitsissutigaa, tassami siunertamut kontumut 34.11, Immikkut ittumik katsorsaanernut tunngasumi oqaasertaliussat malillugit Naalakkersuisut atuinerunernik nuussisinnaatitaareermata. Naalakkersuisut taanna naapertorlugu 658.252.000 kr.-it 10 %-ii pallillugit nuussisinnaatitaapput. Taamaalilluni ukiup tulliani atuinerunermut 65.825.200 kr.-it pallillugit nuussinissamut ilassutitut aningaasaliissutissanut qinnuteqarnissaq piumasaqaataangilaq. Sooq piginnaatitaaffiup taassuma atorneqarsimanginnera Naalakkersuisunit nassuiaatigineqangilaq. Siunertamut kontunut 34.11, Immikkut ittumik katsorsaanernut, 34.12, Peqqissaaveqarfiit ataatsimullu aningaasartutitut, 34.13, Peqqissaaveqarfiit kigutilerisumillu sullinneqarnermut kiisalu 34.15, Pinaveersaartitsineq peqqinnissamillu siuarsaanermut tunngasunut oqaasertaliussat naapertorlugit Naalakkersuisut kontut pingaarnerit assigiinngitsut akornanni

aningsaliissutiniq nussuisinnaatitaapput, tamatumani aamma qulaani taaneqartunit. Piginnaatitaaffik taanna atoriarneqarsimanersoq Naalakkersuisunit paasissutissiissutigineqanngilaq.

Naalakkersuisut tamatuma malittuanik ilassutitut aningsaliissutissanut qinnuteqaammik nassiusseqqippat, tamatumani pissutsit assigiinngitsut pillugit itisiliisoqarluni, aningsaliissutissanullu qinnuteqaat siuarsarneqanngippat nakorsiat isumannaatsuunissaannut ilungersunartumik sunniuteqassasoq oqaatigineqarluni. Naalakkersuisut suliamik saqqummiussinerminni immikkoortualunnik erseqqinnerusumik nassuiaateqartarnissaat ataatsimiititaliamit kaammattuutigineqarpoq, taamaalillugu ataatsimiititaliap isummernissaminik kinguartitsisariaqarnera pinaveersaartinniarlugu imaluunniit isummernissamat tunngavissat amigarnerat pissutigalugu Naalakkersuisut ilassutitut aningsaliissutissanut qinnuteqaataannik ataatsimiititaliap suliami matumani pisutut itigartitsinissaa pinaveersaartinniarlugu. Paasissutissat maannakkut qinnuteqaammut ilanngunneqarsimasut qinnuteqaataaqqartumut ilanngunneqarsimagaluarpata ataatsimiititaliap qinnuteqaataaqqartumik akuersissutiginnissimanissaa ilimagineqarsimasinnaagalarpoq.

Missingersuusiordermut maleruagassani missingersuutaasunit atuinernissaq allaqqussinnaanngitsoq qularutissaatinnagu ukiup aningsaqarfiusup naalernerani atuinernissamat aningsaliissutissanut qinnuteqaateqartoqartariaqannginneranik aalajangersagaq eqqumaffigeqqullugu ataatsimiititaliap ukiorpassuarni Naalakkersuisunut kaammattuutigisarpaa. Tamatumunnga taarsiullugu missingersuutaasunik sinniilluni atuneq Nunatta Karsiata naatsorsuutaanut nassuiaatini erseqqissaatigineqartariaqarpoq. Taamaakkaluartoq aningsaliissutissanut qinnuteqaammik kingusissukkat saqqummiussinissaq pitsaanerpaatut Naalakkersuisunit nalilerneqarpat Naalakkersuisut ataatsimiititaliamut nassiusinerminni tamatumunnga tunngavilersuinissaat suliarlu pillugu sukumiisumik qulaajaanissaat ataatsimiititaliamit naatsorsuutigineqassaaq.

2019-imut aningsaanut inatsit pillugu isumaqatigiissummi qulequtaq 3.1-imut Naalakkersuisut innersuussippat, tassani allassimavoq 2019-imi aningsartuutit pillugit misissueqqissaartoqassasoq. Misissueqqissaarnerup aallartinneqarnissaanut tigussaasumik maannangaq alloriarloqareersimanersoq paasissutissiissutigeqqullugu ataatsimiititaliap Naalakkersuisunut qinnutigissavaa? Ataatsimiititaliattaq misissueqqissaarnermi piffissamik atuinermut pilersaarummik tigusaqarnissani qinnutigissavaa.

Aningsaqarnermut Akileraartarnermullu Ataatsimiititaliap aalajangiinera
Aningsaqarnermut Akileraartarnermullu Ataatsimiititaliap qulaani allassimasutut oqaaseqateqarluni apeqquteqarlunilu Naalakkersuisunit inassuteqaat **akuersissutigaa**.

Inussiarnersumik



Karl Kristian Kruse

Aningsaqarnermut Akileraartarnermullu Ataatsimiititaliamut Siulittaasoq